

bere sufficere, nisi hoc, vel aliquid hujusmodi addat, ut dicat, *Vos itaque etiam ipsam obediendi perseverantiam a Patre lunum, a quo descendit omne datum optimum, et omne donum perfectum (Jacobi 1, 17), sperare debetis, et quotidiani orationibus poscere, atque hoc faciendo confidere, non vos esse a praedestinatione populi ejus alienos; quia etiam hoc, ut faciat, ipse largitur. Absit autem a vobis idea desperare de vobis, quoniam spem vestram in ipso habere jubemini, non in vobis. Maledictus enim omnis qui spem habet in homine (Jerem. xvii, 5) : et bonum est confidere in Domino, quam confidere in homine (Psalm. cxviii, 8); quoniam beati omnes qui confidunt in eum. Hanc spem tenentes, servite Domino in timore, et exultate ei in tremore (Psalm. ii, 11). Quoniam de vita aeterna, quam filii promissionis prouisit non mendax Deus ante tempora aeterna, nemo potest esse securus, nisi consummata fuerit ista vita, quae tentatio est super terram (Job vii, 1) : sed faciet nos perseverare in se usque ad hujus vita finem, cui quotidie dicimus, « Ne nos inferas in tentationem » (De Dono Perseverantiae n. 62). Videlisne, obsecro, quantum distet hic sermo ab eo quem composuit malignitas obloquentum; qui studuerat etiam ea quae recte dicit, exquisita verborum fraude corrumpere? De quo idem docto recitissime ait: *Dolosi autem vel imperiti medici est, etiam utile medicamentum sic alligare, ut aut non prospici, aut obsit (Ibid., n. 57)*. Et iterum de simili ine-*

ptia: *Nempe, inquit, hoc verissimum est, ita sane, sed improbissimum, importunissimum, incongruentissimum; non falso eloquio, sed non salubriter valetudini humanae infirmitatis apposito (De Dono Perseverantiae, n. 61).* Non igitur necesse est de his rationem reddere, quia et ab aliis dicta, et ab ipso ostendimus improbata: ita tamen, ut nihil sibi per falsorum admixtionem præcipi pateretur ex veris. Quamvis enim nunquam tam insipienter locutus sit ad populum christianum, et id quod mendax obtrectatio ineptissime sinxit, horruerit, pia tamen constantique doctrina abundantiter probavit, prædicandam esse Ecclesie et prædestinationem, in qua est gratia præparatio; et gratiam, in qua est prædestinationis effectus; et præscientiam Dei, qua ante secula aeterna quibus esset collaturus sua dona prescivit. Cuius prædicationis quisquis est impugnator, apertissimus est Pelagianæ elationis adjutor. Hoc autem quod in fine posuisti, superiori capitulo, ubi Tyriorum et Sidoniorum mentio facta est, debuit copulari: quia etiam in libri corpore, eidem cause, sine cuiusquam diversa disputationis interjectione, conexum est. Unde et responsio, quam præcedentibus subdidi, potest etiam ad ista sufficere: in quibus nulla est obscuritas, si de fide prædestinationis et gratia Dei, ex qua est omnium bonorum origo per severtantiaque meritorum, hoc teneatur, quod habet veritas.

PROSPERI AQUITANI IN AUGUSTINI OBRECTATOREM EPIGRAMMA.



Contra Augustinum narratur serpere quidam
Scriptor, quem dudum livor adussit edax:
Quoniam caput obscuris coniectum uitcumque cavernis,
Tollere humum miserum perpulit anguiculum.
Aut hunc fruge sua æquorci pavere Britanni (a),
Aut hunc Campano graenire corda tument (b).

Quæ concepta fovet, promat; quæ parturit, edat:
Seu veteri armatur dogmata, sive novo.
In quoscumque sinus spirarum torqueat orbes,
Et fallax multa contegat arte caput;
Currentem attrites super aspidas et basiliscos
Declinare senem vipera non poterit.

IN EUMDEM, AUT ALIUM QUEMPIAM OBRECTATOREM.

Quidam docilioqu libros senis Augustini
Carpere, et adversum condere fertur opus.
Usqueadone bonum ingenium, et facundia dives
Ostentare artem non aliter potuit,
In nova prostratas acies nisi bella cieret,
Inplaque extinctis hostibus arma daret?
Haec iugna, incensor, mors est tua; to stilus iste
Conficit, et verbis perderis ipse tuis.

Dumque doces quantum valeat mens libera, monstras
Velle tuum tibinet sufficere ut ieres.
Verte gradum, fuge perniciem, stratosque rebelles
Oris apostolicu fulmine ubique vide.
Nec te mutato defendi nomine credas:
Si pastorem ovium ledere vis, lumen es.

(a) Pelagius Brito. — (b) Juliani a Campania.

ADMONITIO IN SUBSEQUENTEM LIBRUM.

Sententias in editis codicibus trecentas et nonaginta complectitur. Prioris triginta septem, aliquæque inter subsequentes perpaucæ, decerpæ sunt ex ipsius Prosperi Commentarii in Psalmos: cæteræ autem ex operibus Augustini; cujus sancti Doctoris cum verba nonnunquam mutata esse deprehendamus, eam ob causam optimum factu judicamus, si moncamus ut insipientiar ea Ica, e quibus mens Augustini magis est expressa quam dictio. Id vero præstamus, hujus generis sententiis subscriptio verbo. Vide. Colbertinus codex notatus 393 (quod unum istius libri exemplar manu scriptum repere nobis licuit, nec ipsum admodum vetus), sententias septuaginta sex, non plures, representat; scilicet octodecim primas, et, omissa decima nona, vigesimam, vigesimam primam, et alias ex subsequentium seri selectas; cum hacce ad illas prævia annotatione. *Prosper iste Equitaneus fuit Tolonensis civis, qui relictis rebus secularibus, ad divina se omnino negotia transiit, et quasdam ex beati Augustini sententiis carpens, istum librum composuit, etc.* Plures ex hoc libro sententiae inter Arausicanis secundi concilii canones relate sunt; et permulta sub nomine Prosperi citantur a Floro seu Heda vulgato in Paulum. Quibusdam etiam ex his sententiis usus est ille, qui Zephyrini, Callisti & et aliorum Romanorum Pontificum decretales epistolas confixit.